

**748** ieweder sîn houbet schiere  
 von helme unt von herseniere  
 enblôzte an der selben stunt.  
 Parzival vant hôhen vunt  
 5    unt den liebesten, den er ie vant.  
 der heiden schiere wart erkant,  
 wand er truoc agelstern mâl.  
 Feirefiz unt Parzival  
 mit kusse understuonden haz.  
 10   in zam och bêden vriuntschaft baz  
 dan gein ein ander herzen nît.  
 triwe und liebe schiet ir strît.  
 Der heiden dô mit vreuden sprach:  
 »ô wol mich, daz ich ie gesach  
 15   des werden Gahmuretes kint!  
 al mîne gote des geêrt sint.  
 mîn gotinne Juno  
 dis prîses mac wol wesen vrô.  
 mîn kreftec got Jupiter  
 20   dirre sâlden was mîn wer.  
 got unt gotinne,  
 iwer kraft ich immer minne.  
 Geêrt sî des plâneten schîn,  
 dâr inne diu reise mîn  
 25   nâch âventiure wart getân  
 gein dir, vorhtlîch süezer man,  
 daz mich vor dîner hant gerou.  
 geêrt sî luft unt tou,  
 daz hiute morgen ûf mich reis.  
 30   minnen slüzzel kurteis!

enblôzten \*G (nur G) (\*T)

w. bekant, \*T V

in zäme (zû dem L) ou. \*G (ohne I) \*T

ô om. \*G (nur G)

g. geêrt (des gernde I [L]) \*G (ohne Z)

↓\*G · wol mac \*T

mîn gewer. \*T (Z)

m. von d. \*G \*T

\*D: D \*m: m V Fr69 (748.6–8) \*G: G I L Z \*T: U (ohne 748.30)

**1** Initiale G I L Z **13** Initiale m V · Majuskel D **19** Initiale I **23** Majuskel D

2 von] om. \*m (nur m) 9 kusse] küssem \*m (nur m) (Z) 18 dis wol mac (sin mac wol I Mach dises wol L) wesen vrô. \*G · dis] des \*m 24 reise] werde reise \*m 27 vor] von \*m